



ODA E MJEKËVE TË KOSOVËS KOSOVO DOCTORS CHAMBER LEKARSKA KOMORA KOSOVA			
Njësi:		Nr. Prot.:	
Unit:	<u>KO</u>	Prot. No.:	<u>13/2021</u>
Jednica:		Br. Prot.:	
Nr. i faqëve:		Data:	<u>01.02.2021</u>
No. of pages:	<u>-12-</u>	Datum:	
Br. stranica:		Prishtinë	

ODA E MJEKËVE TË KOSOVËS
KOSOVO DOCTORS CHAMBER • LEKARSKA KOMORA KOSOVA

Raport për tremujorin e katërt 2020

Oda e Mjekëve të Kosovës



Janar 2021,

Prishtinë

Përmbajtja:

Raport për tremujorin e katërt 2020	1
1. Infrastruktura Juridike	3
2. Këshilli Drejtues.....	3
3. Anëtarësimi	4
4. Mbikëqyrja etiko-profesionale	6
5. Edukimi i Vazhdueshëm Profesional	7
6. Licencimet.....	7
7. Edukimi specialistik - zbërthimi i kompetencës bazuar në Ligjin për Shëndetësi dhe Ligjin për OPSH-të	8
8. Këshilli Mbikëqyrës	8
9. Komisioni për çështje Etike i OMK-së	8
10. Komisioni për Solidaritet dhe Ndihmë Reciproke	8
11. Raporti financiar.....	9
11.1 Gjendja financiare – 31 dhjetor 2020	9
11.2 Përkrahje për Edukim të Vazhdueshëm Profesional	9
11.3 Prokurimi	10
12. Aktivitete të tjera	10
12.1 Kongresi vjetor	10
12.2 Botimi i Revistës “Mjeku”	10
12.3 Digjitalizimi i arkivit	10
12.4 Bashkpunimi në mes OPSH-ve	10
12.5 Bashkëpunimi me institucione	11
12.6 Marrëdhënie ndërkombëtare.....	11
12.7 Bashkëpunimi profesional dhe veprimtaria ekspertike	11
13. Plani i veprimit për 2021	12

1. Infrastruktura Juridike

Kuvendi i Odës së Mjekëve të Kosovës gjatë vitit 2020 ka mbajtur një mbledhje të rregullt, e cila për shkak të situatës së shkaktuar nga pandemia COVID-19 dhe në respektim të masave dhe rekomandimeve të marra në luftimin e pandemisë COVID-19 është organizuar në mënyrë virtuale përmes platformës ZOOM, ku janë shqyrtuar propozim-amendamentet e akteve juridike të Odës. Mbledhja është mbajtur me datë 25 nëntor 2020, ku u miratuan rregulloret dhe amendamentet për plotësim dhe ndryshim të akteve normative si në vijim:

- Amendamentet për Plotësimin dhe Ndryshimin e Rregullores për Regjistrimin, Licencimin dhe Rilicencimin e Mjekëve;
- Amendamentet për Plotësimin dhe Ndryshimin e Rregullores për Edukimin e Vazhdueshëm Profesional;
- Amendamentet për Plotësimin dhe Ndryshimin e Rregullores së Punës së Komisionit për Çështje Etike;
- Amendamentet për Plotësimin dhe Ndryshimin e Rregullores për Menaxhimin e Financave të OMK-së;
- Amendamentet për Plotësimin dhe Ndryshimin e Rregullores së Punës së Komisionit për Solidaritet dhe Ndihmë Reciproke; dhe
- Amendamentet për Plotësimin dhe Ndryshimin e Rregullores për Procedurat e Prokurimit në OMK;
- Miratimi i Rregullores për Marketing në OMK;
- Miratimi i Rregullores për Dhënie dhe Dekorativitet dhe Çmimeve vjetore të OMK-së.

2. Këshilli Drejtues

Në periudhën kohore tetor–dhjetor 2020, Këshilli Drejtues i OMK-së ka mbajtur katër (4) takime ku janë shqyrtuar lëndët si më poshtë:

Organi	Numri i lëndëve të pranuar për periudhën TM4	Vendimet sipas kërkesave/a nkesave të pranuar për periudhën TM4	Vendimet në procedurë	Vendimet e Këshillit Drejtues për periudhën TM4	Vendimet për lëndët e bartura nga periudhat paraprake
Këshilli Drejtues i Odës	14	13	1	1 - Vendim - formohet grupi punues për draftimin e Rregullores për zgjedhjet e OMK-së;	3

				<p>2- Vendim – Themelohet komisioni Ad-Hoc për përpilimin e kriterëve të konkursit publik, vlerësimin dhe përzgjedhjen e punimeve shkencore për vitin 2020;</p> <p>3 - Vendim për publikimin e konkursit publik për financimin e 10 punimeve shkencore;</p> <p>4 - Vendim – Miratohen amendamentet për plotësim-ndryshimin e rregullores mbi organizimin dhe sistematizimin e vendeve të punës në OMK;</p> <p>5 - Rregullorja për sistematizimin e vendeve të punës në shërbimin profesional të OMK-së;</p> <p>6 - Vendim - Miratohet plani financiar për vitin 2021;</p> <p>7 - Vendim lirohen nga pagesa e taksës administrative për Leje-Hulumtime Biomjekësore lidhur me Covid-19 të gjitha institucionet publike.</p>	
--	--	--	--	--	--

3. Anëtarësimi

Gjatë periudhës tetor-dhjetor 2020, në Odën e Mjekëve të Kosovës u anëtarësuan 49 mjekë, nga ta 1 mjek është i huaj dhe 48 mjekë janë vendas (përfshirë 2 mjekë të punësuar në sektorin publik, 4 mjekë të punësuar në sektorin privat dhe 42 mjekë të papunë).




Tabela 1.1: Anëtarësime për periudhën tetor-dhjetor 2020




Tabela 1.2: Totali i përgjithshëm i anëtarëve deri më datën 31 dhjetor 2020

Gjatë periudhës tetor-dhjetor 2020 kanë ndodhur 168 ndërprerje në anëtarësi për mospagesë të kuotës vjetore të anëtarësisë, gjithashtu janë ç'anëtarësuar në mënyrë vullnetare 4 mjekë. Gjatë kësaj periudhe janë ndarë nga jeta 7 mjekë si pasojë e infektimit me COVID-19.

Numri total i anëtarëve deri më datën 31 dhjetor është 4429.

4. Mbikëqyrja etiko-profesionale

Për ta pasqyruar ecurinë e mbikëqyrjes etike dhe profesionale pranë organeve të Odës, në mënyrë tabelore do të paraqesim ushtrimin e funksionit të tillë nga ana e organeve të odës.


Organi	Numri i lëndëve të pranuar për periudhën TM4	Vendimet sipas procedurës së zhvilluar për periudhën TM4	Sanksionet e shqiptuara për periudhën TM4	Sanksionet e ekzekutuara për periudhën TM4	Lëndët e bartura nga periudhat paraprake	Lëndët në shqyrtim
Prokurori i Odës	8	20	///	///	10	16
Këshilli Etik	18	35	Rekomandime kolegjiale 17 Qortim Publik 3 Gjopa 1: Gjithsej : 0 00.00€	Qortim publik 0 (00.00€) Gjopa 0 (0.00€) Gjithsej: 00.00€ Shpenzime të paushallit: 100€	15	10
Gjyqi i Nderit	5	3	1.) Refuzohet ankesa GJN 07/2020 e Prokurorit të OMK-së ndaj Vendimit të Këshillit Etik KE 27-8/2020. 2.) Hidhet si e paafatshme ankesa GJN 09/2020 kundër vendimit të Këshillit Etik KE 27-8/2020. 3.) Refuzohet ankesa GJN 10/2020 e Dr. Shkelzen Elezaj ndaj vendimit të Këshillit Etik KE 12-5/2020.	///	0	2
Certifikatat e të kaluarës etike	32	///	///	///	///	///

Në shqyrtime të drejtpërdrejta janë mbajtur gjithsej dy (2) takime të Gjyqit të Nderit për shqyrtimin e këtyre lëndëve.

Vërejtje: Lëndët e pasqyruara në tabelë përfshijnë lëndë që aktualisht ndonjëra prej tyre janë në procedim nga një organ në tjetrin. Për shkak të natyrës së procedurave është e pamundur që të nxirret në total bilanci i lëndëve për shkak të qarkullueshmërisë së lëndës, varësisht nga faza procedurale në të cilën gjendet lënda e tillë.

5. Edukimi i Vazhdueshëm Profesional


Komisioni për Edukimin e Vazhdueshëm Profesional gjatë periudhës tetor-dhjetor 2020 ka akredituar 20 aktivitete.



Bazuar në rrethanat e krijuara si pasojë e pandemisë COVID-19 dhe pamundësinë e organizimit të tubimeve shkencore, Komisioni për Edukim të Vazhdueshëm Profesional liron komunitetin e mjekëve nga obligimi i grumbullimit të së paku njëzet pikëve kredituese për vitin kalendarik 2020.

6. Licencimet

Komisioni për Licencim dhe Rilicencim profesional gjatë periudhës tetor-dhjetor 2020, ka organizuar 3 provime të rilicencimit dhe gjithashtu ka lëshuar 154 licenca me kategoritë si në grafikun e mëposhtëm:



7. Edukimi specialistik - zbërthimi i kompetencës bazuar në Ligjin për Shëndetësi dhe Ligjin për OPSH-të

Dizajnimi dhe fillimi i fazës kalimtare të zbërthimit të kompetencave të edukimit specialistik (zbërthimi ligjor, financiar dhe teknik) është në proces e sipër, duke përfshirë edhe hartimin e UA-së për shkollim specialistik.

8. Këshilli Mbikëqyrës

Në periudhën kohore tetor–dhjetor 2020, Këshilli Mbikëqyrës i OMK-së ka mbajtur dy (2) takime, ku është bërë shqyrtimi i vendimeve të Këshillit Drejtues - ligjshmëria e tyre konform akteve juridike të OMK-së dhe ligjeve në fuqi.

9. Komisioni për Çështje Etike i OMK-së

Në periudhën kohore tetor–dhjetor 2020, Komisioni për Çështje Etike i OMK-së ka pranuar dhe ka shqyrtuar katër (4) kërkesa për leje për hulumtim.

Kërkesat e shqyrtuara janë aprovuar nga Komisioni për Çështje Etike dhe aplikuesëve u janë lëshuar lejet për hulumtim.

10. Komisioni për Solidaritet dhe Ndihmë Reciproke

Në periudhën kohore tetor–dhjetor 2020, Komisioni për Solidaritet dhe Ndihmë Reciproke ka pranuar një (1) kërkesë për përkrahje financiare. Komisioni ka marrë vendim aprovues lidhur me kërkesën e pranuar.

Këshilli Drejtues i OMK-së në procedurë të votimit qarkullues me datë 30 korrik ka marrë vendim për dhurimin e mjeteve financiare në shumë prej 1,000.00 € të dedikuara për familjet e mjekëve që kanë vdekur si pasojë e infektimit me virusin Covid-19. Deri më datë 31 dhjetor janë të infektuar me Covid-19 mbi 3300 punëtorë shëndetësor, nga të cilët 1170 janë mjekë, ku 16 mjekë kanë vdekur si pasojë e infektimit me Covid-19.

11. Raporti financiar**11.1 Gjendja financiare – 31 dhjetor 2020**

1.0 Të hyrat:					
1.0.1 Të hyrat e shtyra nga 2019	€ 304,543				
Të hyrat e shtyra nga 2019	€ 304,543				
1.1 Të hyrat	Realizimi: TM1	Realizimi: TM2	Realizimi: TM3	Realizimi: TM4	TOTAL TM4
1.1.1 Të hyrat nga anëtarësia:					
1.1.2 Anëtarësimi i mjekëve shtetas kosovarë	€ 232,700	€ 43,250	€ 35,746	€ 16,213	€ 327,909
1.1.3 Anëtarësimi i mjekëve shtetas jokosovarë	€ 5,250	€ 2,253	€ 3,500	€ 1,500	€ 12,503
1.1.4 Licencimi	€ 9,420	€ 5,580	€ 9,840	€ 6,540	€ 31,380
1.1.5 Të hyrat e tjera*	€ 10,033	€ 2,830	€ 9,581	€ 8,161	€ 30,605
Të hyrat nga TM3	€ 257,403	€ 53,913	€ 58,667	€ 32,414	€ 402,397
Të hyrat e shtyra nga 2019	€ 304,543				
TOTAL TË HYRAT	€ 706,940				
2.0 SHPENZIMET	Shpenzimet: TM1	Shpenzimet: TM2	Shpenzimet: TM3	Shpenzimet: TM4	TOTAL TM4
2.1 Paga, mëditje dhe kontributet pensionale	€ 37,268	€ 30,986	€ 37,409	€ 49,405	€ 155,068
2.2 Material shpenzues	€ 1,616	€ 603	€ 268	€ 1,312	€ 3,799
2.3 Reprerentacioni	€ 282	€ 151	€ 476	€ 482	€ 1,392
2.4 Edukimi i vazhdueshëm profesional	€ 4,699	€ (1,410)	€ 4,070	€ 9,800	€ 17,159
2.5 Shpenzimet e tjera*	€ 4,810	€ 7,848	€ 5,518	€ 4,592	€ 22,768
2.6 Shpenzimet e asetëve	€ 1,878	€ 102	€ 980	€ 8,288	€ 11,248
2.7 Përkrahje financiare në kuadër të fondit për solidaritet	€ 6,600		€ 9,000	€ 4,000	€ 19,600
TOTAL SHPENZIMET	€ 57,153	€ 38,280	€ 57,721	€ 77,879	€ 231,033
BILANCI PER TM	€ 200,250	€ 15,633	€ 946	€ (45,464)	€ 475,907
BILANCI ME 31.12.2020					€ 475,907

1.1.5* Taksë administrative për aplikim për ndërrim të kartelës, Regjistrimi në regjistrin e anëtarësisë së OMK-së, faksimili, faksimili i dytë, kongreset, simpoziumet, seminarët, konferencat vendore pa pjesëmarrje ndërkombëtare, aktivitetet e organizuara nga kompanitë farmaceutike, certifikatat për të kaluarën etike, lejimi për hulumtime biomjekësore për anëtarë të Odës, të hyrat nga dënimet (masat disiplinore), dhurata/donacione, të ardhurat të tjera.

2.5 *Faksimili, anëtarësimi në CPME, shpenzimet e tel., shpenzimet e int., shpenzimet e postës, pajisje të TI-së, shpenzime bankare, shpenzimet e pastrimit, shpenzimet e transportit, inventari, shpenzimet e tjera operative.

2.7* Tek përkrahja për solidaritet përveç mjeteve të ndara për mjekët të cilët kanë lënguar nga ndonjë sëmundje, janë të përfshira edhe mjetet e ndara për familjet e mjekëve të cilët kanë ndërruar jetë si pasojë e infektimit me virusin COVID-19, bazuar në Vendimin e Këshillit Drejtues me nr. Ref. 53/20.

11.2 Përkrahje për Edukim të Vazhdueshëm Profesional

Oda e Mjekëve të Kosovës ka dhënë përkrahje financiare për dhjetë punimet shkencore më të mira të publikuara përgjatë vitit 2020 me vlerë 10,000.00 €

11.3 Prokurimi

Gjatë periudhës kohore tetor-dhjetor 2020 nuk ka pasur asnjë procedurë të prokurimit.

12. Aktivitete të tjera

12.1 Kongresi vjetor

Ndër aktivitetet kryesore që Oda e Mjekëve ka planifikuar të realizojë për vitin 2020 është Kongresi Mjekësor. Për shkak të respektimit të masave të marra mbrojtëse për parandalimin dhe trajtimin e virusit pandemik COVID-19 organizimi i Kongresit vjetor është shtyrë deri në heqjen e masave mbrojtëse të marra nga Qeveria e Kosovës.

12.2 Botimi i Revistës “Mjeku”

Me propozim të Këshillit Drejtues në mbledhjen e kuvendit të OMK-së u mor vendim për themelimin e Revistës shkencore të Odës së Mjekëve të Kosovës.

Me 2 mars, Këshilli Drejtues emëroi anëtarët e redaksisë së revistës, ku si rrjedhojë me datë 9 mars u mbajt takimi i parë i anëtarëve. Në takimin e parë u vendos që revista të jetë informative, të botohet dy herë në vit dhe u propozua që numri i parë të botohet me datë 1 qershor. Për shkak të situatës së shkaktuar nga COVID-19, botimi i revistës është shtyrë deri në stabilizim të situatës bazuar në rekomandimet e Institutit Kombëtar të Shëndetit Publik.

Me datë 28 dhjetor 2020 u mbajt takimi i dytë i anëtarëve të revistës, ku u strukturua përmbajtja e revistës, si dhe u vendos që revista të botohet në mënyrë elektronike në mënyrë që të arrijë audiencë sa më të gjerë.

12.3 Digjitalizimi i arkivit

Në muajin tetor ka filluar digjitalizimi i arkivës së anëtarësimeve, ku në fund të muajit dhjetor ka përfunduar pjesa e parë dhe gjatë tremujorit të parë të vitit 2021 planifikohet të përfundojë edhe Arkiva e EVP-së dhe Licencimeve. Në mbështetje të stafit profesional për realizimin e këtij projekti janë angazhuar dy praktikantë.

12.4 Bashkëpunimi në mes OPSH-ve

Në kuadër të bashkëpunimit në mes të OPSH-ve, gjatë tremujorit të katër 2020 u zhvilluan takime të vazhdueshme në mes të kryetarëve të OPSH-ve, ku me iniciativë të Odës së Mjekëve të Kosovës me mbështetjen e odave të tjera të profesionistëve shëndetësorë është marrë iniciativa për ngritjen e obeliskut

kushtuar punëtorëve shëndetësorë për punën dhe angazhimin e tyre gjatë pandemisë.

12.5 Bashkëpunimi me institucione

Qeveria e Kosovës ka themeluar Komisionin Ekzekutiv për luftimin, monitorimin dhe reagimin ndaj COVID-19. Pjesë e komisionit është edhe Oda e Mjekëve të Kosovës, ku në vazhdimësi në takimet e mbajtura i ka ofruar këshilla dhe propozime Qeverisë për ndërmarrjen e veprimeve përkatëse për luftimin dhe përballjen me COVID-19

Me datë 04 nëntor, Oda e Mjekëve ishte pjesë e tryezës së rrumbullakët (virtuale) në kuadër të projektit “Shkëmbimet me Diasporën mbi Reagimin ndaj COVID-19”. Projekti i organizuar nga GERMIN me mbështetjen e Friedrich Ebert Stiftung, për qëllim kishte të identifikojë problemet dhe nevojat akute të sektorëve kyç të institucioneve kosovare të shkaktuara nga COVID-19, për t’i prezantuar pastaj tek profesionistët dhe palët e interesit nga diaspora më qëllim të shqyrtimit të mundësive për ndërveprim.

Me datë 22 dhjetor kryetari i OMK-së ishte pjesë e tryezës së diskutimit organizuar nga Institute of Southeast Europe for Health and Social Policy me temë: “Ikja e trurit (Brain Drain) të profesionistëve të kujdesit shëndetësor në Kosovë”, ku u ngritën çështjet: Cilat janë shkaqet kryesore të migrimit të profesionistëve të kujdesit shëndetësor? Si ta parandalojmë dhe zvogëlojmë ndikimin e tij negativ në sektorin e shëndetësisë në Kosovë?

12.6 Marrëdhëniet ndërkombëtare

Me datë 08 tetor Oda e Mjekëve të Kosovës ka marrë pjesë në takimin virtual të Forumit Evropian të shoqatave mjekësore (EFMA), ku temë kryesore ka qenë “Kujdesi i përgjithshëm shëndetësor gjatë pandemisë”. Gjatë takimit me anëtarë pjesëmarrës u trajtuan tema si “Shëndeti mendor i profesionistëve shëndetësorë” dhe “Edukimi mjekësor në kohë krize”.

Me datë 15 dhjetor Oda e Mjekëve të Kosovës ka marrë pjesë në takimin virtual me CPME, me temë “Politikat e vaksinimit”, ku qëllimi kryesor i takimit ishte të pasqyrojë zhvillimet aktuale mbi planet kombëtare për shpërndarjen e vaksinimit ndaj COVID-19.

12.7 Bashkëpunimi profesional dhe veprimtaria ekspertike

Në kuadër të kompetencës publike lidhur me mbikëqyrjen e veprimtarisë profesionale të mjekëve, Kryetari i OMK-së duke u bazuar në kompetencat ligjore

sipas Ligjit për OPSH-të, në bazë të kërkesave nga Këshilli Etik i OMK-së dhe Prokurori i OMK-së, ka caktuar ekspertë apo grupe të ekspertëve lidhur me konstatimin e përgjegjësisë profesionale mbi zbatimin e procedurave mjekësore nga mjekët gjegjës.

Organi	Numri i lëndëve të pranuar për periudhën TM4	Vendimet sipas urdhëresave së pranuar për periudhën TM4	Në procedurë	Raportet e ekspertizave të përfunduara për periudhën TM4	Lëndët e bartura nga periudhat paraprake
Kryetari i Odës	4	1	1	1	0

13. Plani i veprimit për vitin 2021

Projektet afatmesme dhe afatgjata

- Projekti për ndërtimin e një objekti për të gjitha OPSH-të mbështetur nga MSH-ja, financuar nga Projekti KSV/017 “Përkrahja për Sektorin e Shëndetësisë”. Kësaj iniciative i janë përgjigjur të gjitha OPSH-të dhe kërkesa zyrtare për mbështetje është nënshkruar nga të gjitha ato dhe më pas është dorëzuar në MSH. Fillimi i ndërtimit pritet të fillojë pas miratimit të marrëveshjes për vazhdimin e projektit të KSV/017 nga Kuvendi i Kosovës.
- Pas miratimit të kërkesës nga OMK drejtuar LuxDev-it lidhur me përkrahjen financiare për zhvillimin e sistemit informativ/bazës interaktive të të dhënave, ku do të përfshihen të gjitha proceset e OMK-së. Kohëzgjatja e projektit është 1 vit.
- Zbërthimi dhe bartja e kompetencave për edukimin specialistik bazuar në Ligjin për Shëndetësi dhe Ligjin për OPSH-të.
- Botimi i Revistës “Mjeku”
- Organizimi i Kongresit të II vjetor multidisiplinar me fokus onkologjinë
- Organizimi i Kongresit të III multidisiplinar
- Organizimi i Konferencës ndërkombëtare të Bioetikës
- Organizimi i zgjedhjeve për legjislaturën e III-të të OMK-së